

**KI KYNDON NA KA BYNTA KI NONGREP BAD KI BYNTA JONG KA REP KA
RIANG HA KANE KA POR BA KHANG NA KA DAW JONG U KHINAG
JINGPANG CORONA VIRUS (COVID-19)**

Ki kyndon jong ka sorkar India*

Ki kam hapoh ka rep ka riang kiba lait naka jing pakhang shnong

- i. Ki Veterinary Hospital
- ii. Ki agency kiba thied ia ki tiar kiba donkam ha ka rep ka riang kaba kynthup lang ia ki ophis ba pyntrei ia ka MSP
- iii. Ki Mandis ne ki iew kiba die ia ki mar rep kum ki jhur, ki soh bad kiwei kiwei de kiba lah pyniaid da ka Agriculture Produce Market Committee ne kaba la ai jingbit ne jingbthah da ka sorkar Meghalaya
- iv. Ki jingtrei jong ki nongrep ha ki hali ne lynkha jong ki
- v. Ki jaka buh ia ki tiar kum ka power tiller, ki pump bad kiwei kiwei de kiba ki nongrep ki ju pyndonkam ha ka por ba ki rep
- vi. Ki jaka kiba shna bad kiba pynmih ia ki sboh dawai, ki dawai pyniap khniang bad ki symbai
- vii. Ka jingkit ia ki tiar ne machine na kawei ka jaka sha kawei pat hapoh ka jylla kiba pyndonkam ha ka por ot bad thung kum ka combined harvester bad kiwei kiwei de ki tiar kiba ju donkam ha ka por rep

Ia kine ki kyndon kiba lah kdew haneng yn ym khang kum ha kane ka por, khnang ba ki nongrep jong ngi kin nym shem jingeh. Ka jingtip ne jingbthah lah phah ruh sha ki minister/ki department ki bapher bapher jong ki jylla baroh ban pyntreikam ha kum kane ka por.

*(ki kyndon jong ka ministry ka kam poh iing, Goi vide No. 40-3/2020-DM-I (A) tarik 24th, 25th bad 27th Lber, 2020 bad ki Clause 2,4,5 bad 6 kumba lah kyrpad da ka Ministry jong ka rep ka riang -Ministry of Agriculture and Farmer's Welfare, Goi)

Kat kum ka jingbthah ka sorkar India , ki minister bad ki department bapher bapher jong ka jylla Meghalaya ki lah ioh jingtip ban pyntreikam ia kine ki kyndon ba lah kdew haneng bad ba ki kam baroh kiba ia snoh bad ka rep ka riang kin ym sangeh kum ha kane ka por.

Ka jingbthah na ka bynta ki nongrep

Ka por ot ia ki jingthung

Kum ha kane ka por ba khang na ka daw jong u khniang jingpang corona, don ki jingthung kiba lah dei ka por ban kheit ne ot. Ka jingkheit ne ot ia kum kine ki jingthung kaba kynthup ruh ia ka jingleit die sha ki iew ka long kaba eh namar ka rep ka riang ka iaaid ryngkat bad ka por. Hynrei ki nongrep ki dei ban phikir bha khnang ba une u khniang un ym saphriang. Ki nongrep ki lah ban iada ialade na une u khniang da kaba ieng jngai iwei na iwei bad pyrshang ban nym ialum lang ha kajuh ka jaka, ki dei ruh ban lehkhuid da kaba sait bha ia ki kti da ka sabon, deng mask, phong ki jain kiba lah ban iada na une u khniang bad da

kaba sait khuid bha ia ki tiar kiba pyndonkam ha ka por rep. Baroh ki nongrep ki dei ban bud ia kine ki lad ban iaid na une u khniang jingpang bad pyrshang ban nym ialum lang ha ka juh ka jaka bad ban ieng jngai iwei na iwei kumba shi metre (1m) eiei ha man la ki por.

- Ka lah dei ruh ka por ban ot ia u kew ha ka thain shatei lam mihngi jong ka ri India da kaba pyndonkam da ki machine kum ka combine harvester bad lah shah ban kit ia kine machine na kawei ka jylla shawei ka jylla. Dei ban phikir bha bad bud ia ki lad ban iada na kane ka jingpang khamtam ia kito ki briew ki ba shna bad pyndonkam ia kine ki machine.
- Ka jingot ia u tyrso umphniang ka dang iaid hynrei ia ka jingshoh ia u ka dang sah teng ha ki jaka ba lah dep ot.
- Ka jingot ia u dai, u riewhadem bad u sohmynten ka dang iaid shaphrang bad ka lah jan dei ka por ban ot ia u shana.
- Ka lah dei ruh ka por ban ot ia u pai bad ka lah dei ka por thung sha ka thain shatei lam mihngi jong ka ri India.
- Baroh ki nong ot bad kiba lum ia ki mar rep, jhur, soh, pylleng bad dohkha ki dei ban bud ia ka jinglekhuid shimet bad ka jing jngai iwei na iwei ha ka por ba leh bad hadien ba dep ka ki kam na lyngkha.
- Hapor ba trei kam ha lyngkha, dei ban shna ki nur kiba jngai 4-5 phut bad ban trei iwei i briew ha kawei ka nur. Kane kan pyntikna ban biang ka jingjngai iwei na iwei.
- Baroh ki dei ban deng ia ki mask bad ban thed ia ki kti bunsien.
- Pyntikna ban pynjngai iwei na iwei kumba 3-4 phut ha ka por shongthait, por bam bad por rah ki mar.
- Ia bynta ki kam ha lyngkha katba lah khnang ban pynduna ka jing bun briew ha lyngkha.
- Pyntrei da ki brew ba ithuh lane ki briew ba biang hadien ba lah dep kylli bniah ban kiar na ka jingrung ki briew ki ba rah ia u khniang jingpang.
- Pyn donkam da ki tiar machine ha ki jaka ba lah. Tang ki briew ba donkam kidei ban don hajan ka machine.
- Baroh ki machine ki dei shah pyn khuid ha baroh ki jaka rung bad man lah ka kato katne sngi. Baroh ki kali kit mar, borni bad kiwei kiwei ki tiar ba pyndonkam ban kit mar ki dei ban long kiba khuid.

Ki mat ban phikir hadien ba lah dep kheit lane ot bad ha kaba die ia ki mar rep:

- Haba thad, shoh lane dung, tai ne peh, pynkhuid, pynbynta lane pyniakhlad bad haba song ia ki mar rep ha ki lum ne ki jaka rep jong phi da kynmaw ban iada ialade da kaba sop bha khamtam ia ka khmut bad shyntur da kaba deng da ki *mask*. Kane kan pyllait na ka jingrung jong ki pui pui bad kiwei kiwei ki phngit kiba lah ban ktah ia ka rukom ring bad pynhiar mynsiem jong ngi ki briew.
- Dei ban thad rkhiang bha ia ki shyieng, u krai ne ki kynja dai shua bad kiar ia kaba buh ia ki ha ki byrni ne song ba lah ju pyndonkam khnang ban pynduna ia ka jinglyngshop jong ki khniang ne jingpang. Donkam ruh ban pynkhuid ia ki byrni ne pla song da kaba pyndonkam da ka dawai *neem* bal ah khleh lang bad ka um.
- Dei ban da phikir bha shua ban song ia ki mar rep ha ki byrni khamtam ia kito kiba donkam ban buh ha ki iing daithah (*cold storage*)/ *kudam*.

- Dei ban bud pyrkhing ia ki jingbthah ha kaba iadei bad ka khuid ka suba ban iada na kino kino ki jait jingpang ha ka por ba kyntiew ne pynhap ia ki mar rep ha iew ha hat ne ha kano kano ka rynsan ia die ia thied.
- Uno uno u nongrep u don ka hok khlem kano kano ka jingpyrkhing da ka ain ha kaba iadei bad ka jingshalan ia ki symbai sha kino kino ki kompani, hynrei dei ban pynbiang ia ki kot ki sla ba pura na ka bynta kane. Dei ban husiar bad phikir bha ruh ha ka por ba pyndep ia ka jingsiew ia ki pisa ki pilain.
- Kam don ka jingkhang ia ka jingshalan ia ki symbai da ki jaka pynmih symbai (*seed processing/ packaging plants*). Kane kan iarap shibun ia ki nongrep ha kaba ki lah ban ioh ia u symbai ha ka aiom kaba biang bad dei por.
- Dei ban phikir bad bud pyrkhing ia ki jingbthah jong ki bor pyniaid ain ha kaba ia dei bad ka jingdie marmet ia ki mar rep kyrpang ia ki jhur kum u sohsaw, phul kubi, sla jyrngam, sokhia bad kiwei kiwei.

Ia ki Jingthung ba don ha lyngkha

- Ka jing syaid ha ki jaka ba rep ia u kew ki dang kham duna ban ia kaba ju long mynshuwa, te ki nongrep ki lah ban ot ia u kew hadien 10-15 sngi palat ka 10 tarik u bnai Iaiong. Ki nongrep ki lah ban ot haduh ka 20 tarik u Iaiong ban lait na jing duhnong, bad kan ai por ban pyn beit ban pyn iad iew ia u mar.
- Ban lait naka jing julor ka jingpang thoh rew ha u kba, donkam ban husiar ha ka por synriet dawai.
- Lada ja ba ka slap ha ka por ot kba, synreit 5% ka um-mluh ban lait naka sbeh.
- Ia ki jhur lane soh ba dei por seisoh kum u soh pieng, ha ka por ba synreit dawai dei ban peit bniah por ba khleh dawai, ba ber bad pynpoi ia ki dawai bad kumjuh ruh ban sait bniah ia ki tiar ba pyndonkam.
- Ha ka por lyiur, ia ki kynja dai ha lyngkha, dei ban phikir bad bud ia ki kyndon ki ban iarap ban jingiada na u khniang skain lieh ba pynioh iaka jingpang virus.